

ՈՐՈՇՈՒՄ

Ճանապարհային ոստիկանության վարչական տույժ նշանակելու մասին 24.11.2017թ. թիվ 1707177284 որոշումն անփոփոխ թողնելու իսկ 24.11.2017թ. թիվ 1707179043 որոշումը բեկանելու և վարչական վարույթը կարճելու մասին

<<08>> 12 2017թ. 12-4-24014-18/12-4-1113 ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյան, վերանայելով Հայկ Մնացականյանի դիմումի քննարկման արդյունքում ստեղծված նյութերը

ՊԱՐԶԵՑԻ

Երևան քաղաքի Վարդանանց փողոցի 5ա շենքի 10 բնակարանի բնակիչ Հայկ Մնացականյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 24.11.2017թ. թիվ 1707177284 և 1707179043 որոշումները՝ նշելով, որ դրանք կայացվել են նույն իրավախախտման համար:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

Վիճարկվող որոշումների հիմքում դրված տեսանյութերը՝ փաստում են, որ դիմումատուին պատկանող տրանսպորտային միջոցը 2017թ. նոյեմբերի 13-ին ժամը 16³³-ին և նոյեմբերի 14-ին ժամը 06⁰⁰-ին կանգառ է կատարել Երևան քաղաքի Պուշկին-Նալբանդյան-Վարդանանց փողոցների խաչմերուկի հատվածում նույն տեղում, նույն դիրքով, չկան ապացույցներ՝ վարորդի կողմից տրանսպորտային միջոցը վարելու և իրավախախտումը կրկին կատարելու վերաբերյալ:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի <<բ>> կետի համաձայն, անձի եւ վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Ելնելով վերոգրյալից, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասով և Վարչական իրավախախտումների վերաբերյալ 293-րդ հոդվածի 1-ին մասի 1-ին և 3-րդ կետերով՝

ՈՐՈՇԵՑԻ

1. Ճանապարհային ոստիկանության վարչական տույժ նշանակելու մասին 24.11.2017թ. թիվ 1707177284 որոշումը թողնել անփոփոխ, իսկ վարչական բողոքն առանց բավարարման:
2. Ճանապարհային ոստիկանության վարչական տույժ նշանակելու մասին 24.11.2017թ. թիվ 1707179043 որոշումը բեկանել և վարչական իրավախախտման վերաբերյալ գործը կարճել:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Հայկ Մնացականյանին և ՏՄՀԽԱ կենտրոն:

Ե. Կարապետյան